

IV.

Kao koncesor određuje se Ministarstvo poljoprivrede, šumarstva i vodoprivrede Tuzlanskog kantona, koje će zaključiti ugovor sa koncesionarom, nakon odobrenja ugovora od strane Komisije za koncesije Tuzlanskog kantona.

Ugovor iz stavka 1. ove točke zaključit će se u roku od 15 dana od dana dobijanja odobrenja na ugovor.

V.

Ugovor iz točke IV. ove odluke, bliže će regulirati međusobna prava i obveze ugovornih strana.

VI.

Nadzor, provjeru rada koncesionara i praćenje izvršenja koncesionog ugovora, vrši Komisija za koncesije Tuzlanskog kantona.

Praćenje izvršenja koncesionog ugovora u pogledu plaćanja naknada za koncesije, vrši Ministarstvo financija Tuzlanskog kantona.

VII.

Odluka stupa na snagu danom donošenja, a bit će objavljena u „Službenim novinama Tuzlanskog kantona“.

Bosna i Hercegovina PREMIJER KANTONA
- Federacija Bosne i Hercegovine -
TUZLANSKI KANTON Bego Gutić, v.r.
VLADA
Broj: 02/1-25-30405/15
Tuzla, 29.12.2015. godine

34

Na temelju članaka 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u svezi s člankom 152. Zakona o radu („Službene novine Federacije Bosne i Hercegovine“, broj: 62/15), Vlada Tuzlanskog kantona, na sjednici održanoj dana 29.12.2015. godine, d o n o s i

O D L U K U**o načinu i postupku mirnog rješavanja kolektivnih radnih sporova****Članak 1.****(Postupak mirenja)**

(1) U slučaju spora o zaključivanju, primjeni, izmjeni ili dopuni, odnosno otkazivanju kolektivnog ugovora ili drugog sličnog spora vezanog za kolektivni ugovor (kolektivni radni spor), ako strane nisu dogovorile način mirnog rješavanja spora, sprovodi se postupak mirenja.

(2) Mirenje iz stavka 1. ovog članka provodi Mirovno vijeće.

(3) Štrajk ne može započeti prije okončanja postupka mirenja predviđenog ovom odlukom, odnosno prije provođenja drugog postupka mirnog rješavanja spora o kojem su se strane sporazumjele.

Članak 2.**(Sastav mirovnog vijeća)**

(1) Mirovno vijeće se sastoji od tri člana, i to: predstavnika poslodavaca, sindikata i predstavnika kojeg izaberu strane u sporu sa liste koju utvrđuje ministar za rad, socijalnu politiku i povratak u Vladi Tuzlanskog kantona, a formira se za period od četiri godine.

(2) Mirovno vijeće donosi Pravila o postupku pred tim mirovnim vijećem.

(3) Administrativne i tehničke poslove za mirovno vijeće vrši Ministarstvo za rad, socijalnu politiku i povratak Tuzlanskog kantona.

(4) Troškove za člana Mirovnog vijeća sa liste iz stavka 1. ovog članka rješenjem utvrđuje ministar za rad, socijalnu politiku i povratak u Vladi Tuzlanskog kantona, a snosi Ministarstvo za rad, socijalnu politiku i povratak Tuzlanskog kantona.

Članak 3.**(Prijedlog mirovnog vijeća)**

(1) Strane u sporu mogu prihvatiti ili odbiti prijedlog Mirovnog vijeća, a ako ga prihvate, prijedlog ima pravnu snagu i dejstvo kolektivnog ugovora.

(2) O ishodu i rezultatima mirenja strane u sporu obavještavaju nadležno Ministarstvo u roku od tri dana od dana završetka mirenja.

Članak 4.**(Prestanak važenja ranije Odluke)**

Stupanjem na snagu ove odluke prestaje da važi Odluka o načinu i postupku mirnog rješavanja kolektivnih radnih sporova Vlade Tuzlanskog kantona („Službene novine Tuzlanskog kantona“, broj: 9/13).

Članak 5.**(Stupanje na snagu)**

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

Bosna i Hercegovina PREMIJER KANTONA
- Federacija Bosne i Hercegovine -
TUZLANSKI KANTON Bego Gutić, v.r.
VLADA

Broj: 02/1-34-28887/15
Tuzla, 29.12.2015. godine

35

Na temelju članaka 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u svezi s člankom 8. stavak 1. Odluke o osnivanju Kantonalnog štaba civilne zaštite („Službene novine Tuzlanskog kantona“, br. 6/14, 9/14 i 12/15) i Odlukom o uvjetima i načinu formiranja radnih tijela Vlade Tuzlanskog kantona, upravnih organizacija i organa uprave Tuzlanskog kantona („Službene novine Tuzlanskog kantona“, br. 6/12 i 14/15), na prijedlog ravnatelja Kantonalne uprave civilne zaštite, Vlada Tuzlanskog kantona, na sjednici održanoj dana, 29.12.2015. godine, d o n o s i

RJEŠENJE**o izmjenama Rješenja o postavljenju komandanta, načelnika i članova Kantonalnog štaba civilne zaštite****Članak 1.**

U Rješenju o postavljenju komandanta, načelnika i članova Kantonalnog štaba civilne zaštite („Službene novine Tuzlanskog kantona“, br. 4/15 i 12/15), u točki Va. dodaje se stavak 2., koji glasi:

„Naknada u smislu ove točke pripada članovima Kantonalnog štaba civilne zaštite samo za mjesec u kojem je održana najmanje jedna sjednica štaba, radi obavljanja poslova iz svoje nadležnosti.“